



O'zbekiston Ovozi

Ijtimoiy-siyosiy gazeta

t.me/uzbekiston_ovozi | facebook.com/uzbekistonovozi | instagram.com/uzbekiston_ovozi | www.uzbovozi.uz | info@uzbovozi.uz



2025 ЙИЛ – АТРОФ-МУХИТНИ АСРАШ ВА “ЯШИЛ ИҚТИСОДИЁТ” ЙИЛИ



ЮРТИМИЗНИНГ ЯШИЛЛИК ДАРАЖАСИ ЯНАДА ОРТАДИ



Хавонинг ифлосланиши инсон саломатлиги учун энг жиддий тахдидлардан бирига айланди. Маълумотларга кўра, дунёда ҳар йили 9 миллионга яқин одам ҳаво, tupроқ ва сувнинг ифлосланишидан вафот этади. Экологик муаммоларнинг чуқурлашиши, истеъмолга яроқсиз сув, чанг-тўзонлардан яна миллионлаб кишилар, биринчи навбатда болалар, аёллар, кексалар соғлигига зиён етмоқда.

Мана шундай шароитда глобал иқлим ўзгаришлари, атмосферанинг ифлосланиши, қурғоқчилик ва чўлланишга қарши курашнинг бирламчи ечими яшил иқтисодиётга ўтиш, энергия самарадорлигини ошириш, экологик тоза транспорт

турларини ривожлантириш ҳисобланади.

Таъкидлаш жоизки, мамлакатимизда 2030 йилга қадар яшил майдонларни 30 фоизга етказиш режалаштирилган. Ушбу мақсадда сўнгги уч йилда республика бўйича жами 736 млн туп дарахт ва бута кўчатлари экилди.

Бу ишларни фаол давом эттириш, “Ўзбекистон-2030” стратегиясини Атроф-муҳитни асраш ва “яшил иқтисодиёт” йилида амалга оширишга оид Давлат дастурида белгиланган вазифаларни изчил ҳаётга татбиқ қилишга жиддий эътибор қаратилмоқда.

Давлат дастурига кўра, жорий йилда маҳаллаларнинг экологик қиёфасини яхшилаш, кўчаларнинг яшиллик даражасини ошириш, экологик жиҳатдан қулай ва фаровон яшаш муҳитини

шакллантириш чора-тадбирлари янги босқичга кўтарилади. Аҳоли учун барпо этилаётган пиёдалар ва алоҳида велосипед йўлаклари бўйида дарахтлар ва ўсимликларни экиш орқали «Сояли сайр кўчалари» тармоғи яратилади, сохил ва дарё бўйларида 80 та инфраструктура объекти ва 110 километрдан ортиқ соғломлаштириш йўлаклари барпо этилади. «Яшил макон» умуммиллий лойиҳаси ва «Менинг боғим» лойиҳаси доирасида 200 миллион туп дарахт ҳамда буталар экилиши, «яшил боғлар» ва «яшил жамоат хиёбонлари»да қуёш панеллари ёрдамида қувватланувчи ёриткичлардан фойдаланиш ҳам кўзда тутилмоқда.

4 САҲИФАДА

ФРАКЦИЯ МУҲОКАМАСИ

БАЪЗИ МАЖБУРИЯТЛАР КУЧАЙТИРИЛДИ, АЙРИМ МАСАЛАЛАРДА ЕНГИЛЛИК ТАКЛИФ ЭТИЛМОҚДА



ҚОНУН ҲУЖЖАТЛАРИ, БИЛАМИЗКИ, “НОРМАТИВ-ҲУҚУҚИЙ ҲУЖЖАТЛАР ТЎҒРИСИДА”ГИ ҚОНУН БИЛАН ТАРТИБГА СОЛИНАДИ. СЎНГГИ ПАЙТЛАРДА ҚОНУН ИЖОДҚОРЛИГИ ЖАРАЁНИ АНЧА КЕНГАЙДИ ВА ТАКОМИЛЛАШДИ. МЕЪЁРИЙ-ҲУҚУҚИЙ ҲУЖЖАТЛАР СИФАТИ, ҲАЁТИЙЛИГИ, АМАЛИЁТДАГИ САМАРАДОРЛИГИГА ОИД ТАЛАБЛАР ОШИДИ. ТАБИЙКИ, БУ ЖАРАЁН ИСЛОҲОТЛАР, ТУРМУШ ТАРЗИМИЗДАГИ ЎЗГАРИШЛАР, ЗАМОНАВИЙ КАСБ-ҲУНАРЛАР, УМУМАН, ЖАМИЯТДАГИ ЯНГИ ҚАРАШ ВА ТУШУНЧАЛАР БИЛАН БЕВОСИТА БОҒЛИҚДИР. ШУ МАЪНОДА ҚОНУНЧИЛИК ҲАМ БУГУНГИ ЗАМОН ТАЛАБЛАРИДАН КЕЛИБ ЧИҚҚАН ҲОЛДА ҚАТОР ЯНГИ МОДДАЛАР БИЛАН ТЎЛДИРИЛАДИ, БОЙТИЛАДИ.

2

СЎЗ – ЎЗХДП ЕТАКЧИЛАРИГА

ХАЛҚ ЭҲТИЁЖЛАРИДАН УЗИЛИБ ҚОЛМАЙЛИК...

ТОШКЕНТ ВИЛОЯТИ ПАРТИЯ КЕНГАШИ РАИСИНИ ЭШИТАМИЗ!

БУГУН ЖОЙЛАРДА ҲАЁТ ҚАЙНАГАН, ИСЛОҲОТЛАР КўЛАМИ КЕНГ. ҲАР ҚАДАМДА ЎЗГАРИШЛАРГА ГУВОҲ БўЛАМИЗ. АНА ШУНДАЙ МУҲИМ ПАЛЛАДА МАҲАЛЛИЙ КЕНГАШЛАРДАГИ ХДП ДЕПУТАТЛАРИ НИМАЛАР БИЛАН МАШҒУЛ, ЖОЙЛАРДАГИ ПАРТИЯМИЗ ТАШКИЛОТЛАРИЧИ? АНА ШУ САВОЛЛАРГА ЖАВОБ ТОПИШ МАҚСАДИДА ЎЗХДП ТОШКЕНТ ВИЛОЯТИ КЕНГАШИГА БОРДИК. МАҚСАДИМИЗ ВИЛОЯТ ПАРТИЯ КЕНГАШИ РАИСИ, ХАЛҚ ДЕПУТАТЛАРИ ВИЛОЯТ КЕНГАШИДАГИ ЎЗХДП ДЕПУТАТИ АКМАЛ УМАРАЛИЕВ БИЛАН СУҲБАТЛАШИШ ЭДИ.



5

ОИЛАДА – ОҚИЛА, ЖАМИЯТДА – ИЛҒОР

Анжанага кўра, нафосат ва ўзгаллик айёми — Халққаро хотин-қизлар кўни муносабати билан меҳнат фаолияти ва жамоат ишларида намуна кўрсатган бир ғуруҳ опа-сингилларимиз Президентимизнинг тегишли Фармонида мувофиқ давлат мукофотлари билан тақдирланди. Улар орасида Ўзбекистон Халқ демократик партиясининг аъзолари ҳам бор.

4

СИЁСИЙ ПУЛЬС. МУНОСАБАТ

БИРГАЛИКДА ВА МУРОСАСИЗ



ДАРАХТ ТАНАСИГА ТУШГАН ҚУРТ НА УНИНГ КўККА БўЙ ЧўЗИБ, БАРҚ УРИБ ЯШНАШИГА ЙўЛ БERAДИ, НА МЕВА ТУГИБ, ҲОСИЛ КўТАРИШИГА... ҲАТТО МИНГ ЙИЛЛИК ЗАБАРДАСТ ЧИНОР ҲАМ БУ БАЛОИ ОФАТ ДАСТИДАН ЗАЙФЛАШИ, ЕРГА ҚУЛАМОҒИ ТАЙИН. БУГУН ДАВЛАТ ВА ЖАМИЯТНИНГ РИВОЖИГА ЖИДДИЙ ҒОВ БўЛАЁТГАН ИЛЛАТ – КОРРУПЦИЯ ХУДДИ ШУ КАБИДИР. У НАФАҚАТ МАМЛАКАТДАГИ БАРҚАРОР ҲАЁТНИ ИЗДАН ЧИҚАРАДИ, БАЛКИ ОДАМЛАРНИНГ ҲУКУМАТГА, КОНСТИТУЦИЯ ВА ҚОНУНЛАРНИНГ АМАЛДА ИШЛАШИГА БўЛГАН ИШОНЧНИ ИЎҚОТИШИ, ХАЛҚДА ТУШКУНЛИК, УМИДСИЗЛИК КАЙФИЯТИНИ ҲОСИЛ ҚИЛИШИ МУМКИН. КОРРУПЦИЯНИНГ ХАВОҲ-ХАТАРИ, ОҒИР ОҚИБАТИ ҲАМ МАНА ШУНДА.

3

«АСАБИЙ» БОҒЧА ОПАЛАР КЕЛТИРАДИГАН САЛБИЙ ОҚИБАТЛАР

Яқинда ижтимоий тармоқларда Самарқанд вилояти Жомбой туманидаги 25-сонли давлат боғчасида тарбиячи болаларни калтаклагани акс этган видео тарқалди. Унда тарбиячи, дастлаб болаларга бақиргани, сўнгра улардан бир нечасининг бошига ургани ва силтаганини кўриш мумкин.

Шунингдек, Сергелидаги боғчада тарбиячининг калтаклаши оқибатида боланинг оёғи синди. Тошкентдаги хусусий боғчада тарбиячи болани уриб, ҳақоратлади. Юнусобод туманидаги хусусий боғчада тарбиячи ва унинг ёрдамчиси овқат емагани учун тарбияланувчини курсига «скотч»лаб қўйди.



6

«АСАБИЙ» БОҒЧА ОПАЛАР КЕЛТИРАДИГАН САЛБИЙ ОҚИБАТЛАР

(Давоми. Боши 1-бетда)

Жиззахда 3 ёшли боғча боласининг ўлимга сабабчи бўлганларга суд ҳукми ўқилди. Сурхондарёдаги боғчада 5 ёшли болани урган тарбиячи ишдан олинди. Нукусдаги хусусий боғчада болаларга кўполлик қилинган аниқланди. Тошкент вилоятидаги боғча ходими болаларни гимнастика таъқиси билан урди. Яна қайсидир боғчада тарбиячиси болани тепиб, турткилагани акс этган видео тарқалди. Булар ҳақида эшитган ҳар қандай кишининг эти жиғирлаб кетади.

Болаларга қўл кўтариш, зўравонлик қилиш қонунан ҳам мумкин эмас. Ўзбекистонда бола ҳуқуқлари қандай ҳимоя қилинади? Дастлаб ушбу саволга жавоб топиш мақсадида депутатларга юзландик:

– Болалар муаммолар қаршида ожиздир. Улар ноҳақликларга жавоб қайтаролмайди, ўз ҳуқуқларини билмайдиган, бунинг учун курашишга қодир бўлмаган жамият аъзосидир. Шунинг учун ҳам уларнинг ҳақ-ҳуқуқлари алоҳида қонуний меъёрлар билан тартибга солинган, – дейди Олий Мажлис Қонунчилик палатасидаги ЎзХДП фракцияси аъзоси Қизилгул Қосимова. – Бугунги кунда миллий қонунчилигимизда бола ҳуқуқлари билан боғлиқ 40 дан ортиқ қонун ҳужжатлари, 500 дан ортиқ қонунчилик ҳужжатлари мавжуд.

Айтилик, 1989 йил 20 ноябрда БМТ томонидан Бош Ассамблеянинг 44/25-Резолюцияси билан “Бола ҳуқуқлари тўғрисидаги конвенция” қабул қилиниб, 1990 йилнинг 2 сентябрь санасида кучга кирган. Бола ҳуқуқлари тўғрисидаги ушбу конвенция, ҳар бир боланинг индивидуал ҳуқуқларини аниқ кўрсатиб берувчи биринчи ва асосий халқаро ҳужжат ҳисобланади. Ушбу конвенцияни жаҳон болаларининг ўзига хос халқаро Конституцияси дейиш мумкин.

Ушбу конвенцияда болалар ўзининг ирки, дини, тана ранги, жинси, сиёсий ёки бошқа эътиқодларидан қатъи назар, жамиятнинг барча аъзоларига хос бўлган қадр-қимматга, алоҳида ғамхўрлик ва ёрдам ҳуқуқига эга экани бошқа ҳужжатлардаги каби алоҳида тилга олинади.

Шунингдек, ўтган йили 14 ноябрь куни давлатимиз раҳбари томонидан узоқ куттилган «Болаларни барча турдаги зўравонликдан ҳимоя қилиш тўғрисида»ги қонун имзоланди.

Қонун 2025 йил 15 майдан кучга киради. Мазкур ҳужжат болаларни зўравонликнинг барча шакллари билан ҳимоя қилиш бўйича умумий ва индивидуал чора-тадбирларни белгилаб беради.

Болалар ҳар доим ғамхўрликка, меҳрга муҳтож бўлади. Уларнинг ҳуқуқ ва эркинликлари хоҳ у оилада бўлсин, хоҳ таълим масканда бўлсин, тўлиқ қафолатланиши шарт. Чунки бу боланинг шахс сифатида шаклланиши, давлат ва жамият истиқболи мустаҳкам бўлиши учун муҳим.

Хўш, нега боғчаларимизда болаларнинг тўлиқ ҳимояси таъминланмаяпти? Саҳифамизда бундай нохуш воқеаларнинг сабабларини ўрганишга ҳаракат қиламиз.

МАКТАБГАЧА ВА МАКТАБ ТАЪЛИМИ ВАЗИРИ: 32 НАФАР РАҲБАР ВА ТАРБИЯЧИ ИШДАН ОЛИНДИ

Шу йилнинг 6 март куни Мактабгача ва мактаб таълими вазири Хилола Умарова давлат ва нодавлат мактабгача таълим тизими масъуллари билан учрашувда бу ҳақда айтиб ўтди.

Видеоконференция шаклида ташкил этилган мулоқотда республикадаги 38 мингдан ортиқ мактабгача таълим ташки-

лотлари раҳбарлари иштирок этди.

Вазир “Бир ҳақиқатни яхши англаб олишимиз зарур: болаларга ҳар қандай шаклда куч ишлатиш, уларни турли усулларда жазолаб тарбиялаш асло мумкин эмас. Бунинг тизимда ишлаётган ҳар бир раҳбар, педагог, тарбиячи ва ёрдамчи ходим бир-



дек тушуниши, шу тартибга риоя этишлари шарт”, – дея боғча раҳбарлари эътиборини ушбу салбий ҳолатларга қаратди.

Таъкидландики, биргина ўтган йилнинг ўзида айтиш мумкин бўлган вазирликка юзлаб мурожаатлар келиб тушган. Натижада 32 нафар раҳбар ва тарбиячи лавозимидан озод этилган, 3 нафари жавобгарликка тортилган, 15 нафарига интизомий чора кўрилган, 15 та хусусий боғчага берилган лицензия бекор қилинган.

“Таълим-тарбия куч ишлатишдан холи бўлиши лозим. Болаларга нисбатан кўполлик қилган ёки шафқатсизларча муносабатда бўлган тарбиячи, педагогга қонун доирасида чора кўрилади. Узр, оғохлантиришлар билан кутулиб қолиш йўқ”, деди Хилола Умарова.

Мактабгача ва мактаб таълими вазири ҳар бир бола ўзини боғчасида эркин, хавфсиз ва қувноқ хис қилишини, унга барча шароитлар яратилишини хоҳлашини таъкидлаб, ҳар бир бола учун боғчаларда “хавфсиз ва қулай муҳит” бўлишини талаб қилди.

“ИЛТИМОС, БОЛАМНИ УРМАНГ!”

Шу ўринда бизни бир савол ўйлантирди: Ўзбекистондаги боғчаларда болаларнинг калтакланиши билан боғлиқ аниқ статистик маълумотлар мавжудми? Бунга ҳеч кўзимиз тушгани йўқ. Аммо вақти-вақти билан ижтимоий тармоқларда ва оммавий ахборот воситаларида тарбиячиларнинг болаларга нисбатан зўравонлиги акс этган видеолар пайдо бўлади.

Оддийгина бир мисол, яқинда Тошкентнинг Мирзо Улуғбек туманидаги хусусий боғчада болаларнинг калтакланиши видеокамералар орқали эмас, тарбияланувчиларнинг ўйинчоғига ўрнатилган овозни ёзиб олувчи мослама орқали аниқланди.

Чунки тарбиячилар болаларни спорт зали, кийиниш хоналари ва фаоллар залида калтаклагани, аммо ота-оналар учун видеокузатув мавжуд бўлган хоналарда яхши муомалада бўлгани кўрсатилган.

Биз бу билан қимми алдаямиз? Бундай кўзбўямачилик ортидан эртага бутун жамият тоvon тўлашини биламизми? Чунки, бундай ҳолатлар болаларнинг жисмоний ва руҳий саломатлигига салбий таъсир кўрсатади. Калтакланиши болаларда кўрқув, ишончсизлик, ўз-ўзини паст баҳолаш каби муаммоларни келтириб чиқариши, уларнинг келажақдаги ривожланишига салбий таъсир қилиши мумкин.

Шу онда ўтган йили Юнусобод туманидаги 414-сонли давлат мактабгача таълим ташкилотига содир бўлган бир воқеа эсга тушди. Хонага ўрнатилган кузатув камераси ёзиб олган тасвирларда тарбиячи гуруҳдаги қизалоқлардан бирига кўпол муносабатда бўлиб, қўлини силтаб, бақиргани кўринади. Боланинг яқинлари воқеадан хабар топгач тарбиячи ишдан бўшатилган.

Феруза УММАТОВА, психолог:

– Зўравонликка учраган болалар ё ниҳоятда агрессив кайфиятга, ё ниҳоятда кўрқоқ табиатга бўлиб шаклланади. Болаларнинг изтироблари бу ҳазилакам гап эмас. Чунки унинг келажақи болалик хотиралари ва кўникмалари асосида қурилади.

Бола ҳам яхши гапни билади, тўғри тушунтирсангиз тушунади. Аммо бақириб, калтаклаш, инкор қилиб силташлар орқали уни тинчлантироқчи бўлсангиз, бу орқали болага тўғридан-тўғри “кўрқоқлик”, “ишончсизлик” ва “ривожланма”, деган программаларни ўрнатаётган бўласиз... Шунинг учун ташкил, калтаклар ҳеч қачон

болани тарбиялироқ қилмайди. Олимлардан бири шундай деган: “Болани уриш тарбиядаги энг сўнгги чора бўлиши керак. Акс ҳолда, уриб натижага эриша олмасангиз, кейинги қадам болани ўлдириш бўлади”.

Таҳлилларга кўра, калтакланган болаларнинг ақлий ва жисмоний ривожланиши секинлашади. Ёшлигида кўп калтакланган 18-25 ёшли одамлар мияси текширилганда, уларнинг миясида кулранг модда кам экани аниқланган (бу модда миянинг ақлий фаолиятига жавоб беради). Ундан ташқари, кўп калтакланган болалар агрессивлиги ва наркотик моддалар истеъмол қилишга мойиллиги билан ажрალიб туради.

Яна бир салбий жиҳати, болада кучлилар доимо ҳақ, деган қараш мустаҳкам ўрнашиб олади. Бу эса болаларни бутун умри давомида таъқиб қилади, турли муаммоларни келтириб чиқаради. Кичиклигида унга кучлилар тарафидан қилинган ҳар қандай ноҳақликни оддий ҳолдек, қаршилиқсиз қабул қилади (бу бола учун хавфли бўлиши ҳам мумкин). Бу эса катта бўлганда ўзининг золим бўлиб қолишига ёки зулмларга чидаб, бахтсиз ҳаёт кечирishiга олиб келиши мумкин.

Бу воқеа нари борса бир, икки кунда тарбиячининг эсидан чиқиши мумкин, аммо боланинг руҳиятини бутун умрга жароҳатлайди. Кичиклигида берилган руҳий зарбалар келажақда ҳам уни доим таъқиб қилиб, эркинлиги ва ҳаётига таъсир қилади.

Юраги тош боғча опа жазоланар, масъулиятсизлар ҳам жавобини олар, бироқ психологик жароҳатлар билан ўсаётган авлоднинг кейинги тақдири-чи? Яқин келажақда

– Ўйлашимча, бу аввало, тарбиячида касбий маҳорат етишмаслигидан келиб чиқади. Чунки юксак педагогик маҳоратга эга бўлган тарбиячи болани тушуна олиши, унга инсонан инсонпарвар муносабатда бўлиши, болалар билан босиқ муомала қилиши керак. Бунинг учун аввало сабр-бардош, кунт билан ўқиш, ўз устида ишлаш, болаларнинг руҳиятини, уларнинг ривожланиш хусусиятларини чуқур ўрганиб, таҳлил қилиш ва энг асосийси, уларга меҳр бера олиш зарур.

Шунингдек, таҳлилларга кўра, “асабий” тарбиячиларнинг аксарияти оиласида муаммо борлигини айтишади. Яъни, улар ўз ҳаётидан мамнун бўлмасан, ишдан кўнгли тўлмасан, атрофга норозилик кайфиятида бўлган вақтда боланинг хархашасига портлаб, ҳаттоки қўл кўтаришгача боришади. Тарбиячининг хотиржамлиги бўлмасан, асабий зўриқиб ҳолатида юрган кадрлар нега ишга олинади? Ёки 25-30 нафар болага битта тарбиячи қарай оладими?

Хуллас, тарбиячининг психологик ҳолати яхши бўлса, фарзандимиз ишончли қўлларда бўлади.

* * *

Хўш, мактабгача таълим ташкилотига педагогик маҳорати етарли эмас, бунга психологик томондан ҳам тайёр бўлмаган, асабий зўриқиб ҳолатида юрган кадрлар нега ишга олинади? Ёки 25-30 нафар болага битта тарбиячи қарай оладими? Тadbirkorларга берилмаётган имтиёзлар, яратилаётган имкониятлар сабаб бугун



улар бир оила боши, фарзанд тарбиячиси, ташкилотларда етакчи ва ҳатто, бошқарувчи лавозимини ҳам эгаллайди. Ана ўшанда унинг болаликдаги кечинмалари ўз таъсирини кўрсатмай қолмайди. Зўравонларнинг бугунги қилмиши боланинг бутун ҳаёти давомида ҳамроҳ бўлади. Шу тариқа жамиятнинг энг ёмон одатлари чархпалакнинг челагидаги сув мисоли авлоддан-авлодга ўтиб бораверади.

Зотан, давлатимиз раҳбарининг шундай гапи бор: «Биз учун жамиятда бегона бола йўқ ва бўлмаслиги керак. Ҳаммаси ўзимизнинг, Ўзбекистонимизнинг болалари. Вақтида меҳр кўрсатсан, ишга, илмга, касб-уҳунарга, эзгу фазилатларга ўргатсан, уларнинг йўлини очиб берсан, эртага фойдаси ўзимизга, жамиятимизга тегади».

Ҳар бир боланинг тақдири, ҳаёти бу миллатнинг эртаси демокдир. Биз ўзига ишонган, руҳияти баян, қалби эзгуликларга тўла, ҳаётни ёрқин ва рангли тасвирларда кўрган болани улғайтирсан, келажақимиз кафолати шунча мустаҳкам бўлади.

ШАХСИЙ МУАММОНИНГ ЮКИ БОЛАЛАРГА(МИ?)

Одатда бола кунининг 8-9 соати боғчада ўтади. Шунча пайт тарбиячи ва энагалар қарамоғида бўладиган ўғил-қизларимиздан кўнглимиз тўқми?

Афсуски, ижтимоий тармоқларда тез-тез тарқалаётган нохуш ҳолатлар ота-оналарнинг хавотир ўтига ёғ сепгандек, бўлмоқда. Хўш, боғча опалардаги болаларга нисбатан кўпол муносабатлар, зўравонликларнинг сабаби нимада?

**Жамшид АБИЛОВ,
Янгийўл шаҳар Абу Али Ибн Сино
номидаги жамоат саломатлиги техни-
куми директори:**

**Лазиза ШЕРОВА,
“Ўзбекистон овози” муҳбири.**



22 февраль, соат 15:10 лар атрофи... Наманган вилояти Уйчи тумани «Яккатут» маҳалласи. Йўлнинг белгиланмаган жойидан 11 ёшли қиз кесиб ўтмоқчи бўлади. Катта тезликда келаётган Lacetti пиёдани уриб юборди, қиз шифохонада вафот этди. Навбатдаги қурбон...
Агар эътибор қилсангиз, бундай воқеалар кетма-кет юз бермоқда. Энг аянчлиси, авариялар мактаб ўқувчилари, ёш болалар билан содир бўлиб, энг ёмон оқибат – ўлим билан яқунланмоқда. Тўғри, жажжи кизалоқ белгиланмаган жойдан ўтаётгандир, лекин Lacetti ҳайдовчиси катта тезликда ҳаракатланмаганда эди, машинани вақтида тўхтата оларди. Бундай катта тезликда автоулов бошқариш йўл ҳаракати хавфсизлигига таҳдиддир аслида.

Ҳар куни иш билан, бошқа муҳим ташвишлар билан кўчага чиқамиз. Йўллар тирбанд, автоуловлар кўп. Аммо ҳалигача йўл қодаларига амал қилишни ўзига эп кўрмайдиган ҳайдовчилар борлиги ташвишли. Ижтимоий тармоқларда, оммавий ахборот воситаларида деярли ҳар куни йўл-транспорт ҳодисалари ҳақидаги хабарлар қулоққа чалинади, ачинарлиси, уларнинг аксарияти ўлим билан яқун топмоқда. Ҳайдовчилар ва пиёдларнинг қодаларига амал қилмаслиги, йўллардаги носозликлар, баъзида масъулларнинг эътиборсизлиги ҳам йўллардаги аварияларга сабаб бўлаётир.

Келинг маълумотларга назар ташлаймиз. Ўзбекистонда 2024 йилда 9364 та йўл-транспорт ҳодисаси содир бўлган. Бахтсиз ҳодисалар натижасида 2203 киши ҳалок бўлган, 8901 нафар фуқаро тан жароҳати олган. Юқоридаги рақамлар йўл ҳаракати қатнашчиларнинг кўпчилиги йўл ҳаракати қодаларига риоя қилмаслигини яна бир бор тасдиқлайди. Натижада бахтсиз ҳодисалар сони ортиб бормоқда.

Яна бир статистика. Яқинда АОКАда Ички ишлар вазирлигининг Жамоат хавфсизлиги департаменти Йўл ҳаракати хавфсизлиги хизмати мутасаддилари иштирокида матбуот анжумани бўлиб ўтди. Унда ташкилот раҳбари Шерзод Ибрагимов 2024 йилда йўлларда ҳайдовчилар иштирокида содир бўлган қоидабузарликлар ҳақида маълумот берди.

«2024 йил давомида ҳайдовчилар томонидан қарийб 20 миллионга яқин йўл ҳаракати қоидабузарликлари содир этилган бўлиб, бунда 10 ва ундан ортиқ қоидабузарлик қилган ҳайдовчилар сони 38 мингдан зиёдни ташкил этади. Ўтган 2024 йилда қайд этилган 9 мингтадан ортиқ йўл ҳаракати қоидабузарлик қилган ҳайдовчилар ҳисобига тўғри келади», — деди Шерзод Ибрагимов.

Республикада 5 миллиондан ортиқ транспорт воситаси рўйхатга олинган бўлса, шундан 1 миллион 250 мингтаси йил давомида умуман қоидани бузмаган, дея қўшимча қилди ташкилот раҳбари.

Рақамларни қаранг, 5 миллионга транспорт воситасининг бор-йўғи 30 фоизга яқини қоидани бузмаган. Автомашинани бошқарадиган қарийб 70 фоиз ҳайдовчилар эса йўллардаги қодаларни писанд этмаган. Қайғули томони, бунинг ортидан 2203 нафар киши бевақт ҳаётдан кўз юмган. Бу шунчаки кўрқинчли рақамлар эмас, уларнинг ҳар бири сиз-у биздек одам, фарзандлар, ёшлардир. Афсуски, кимдир ота-онасидан, кимдир жигаридан, яна кимдир яқин дўстидан, кимлардир эса азиз фарзандидан айрилди. Шундай, қанчадан-қанча мурғак жонлар тез ҳаракатланган автомобиллар зарбидан узилган. Бошқа бировлар эса ногирон ёки оғир ярадорга айланди.

Аслида йўллардаги ўлимнинг биттасини ҳам нормал ҳолат, деб қабул қилиб бўлмайди. Чунки бу фақат ўша ҳайдовчи ва ўша пиёданинг эмас, жамиятнинг муаммоси ва фожиаси. Шунинг учун ҳам Ўзбекистонда ечимини кутаётган жиддий муаммолардан бири — йўл ҳаракати хавфсизлигини таъминлаш тизимини яхшилаш бўлиб қолмоқда.

ЭНДИ АВТОМОБИЛНИ «АГРЕССИВ» БОШҚАРАНЛАР ТОВОН ТўЛАЙДИ (МИ)?

Эсингизда бўлса, 2018 йилнинг май ойида қабул қилинган Йўл ҳаракати хавфсизлигини таъминлаш бўйича концепцияда ҳайдовчилар учун 12 баллик тизимни жорий этиш, бир йил давомида жарималари билан 12 балл йиққан шахсни ҳайдовчилик гувоҳномасидан маҳрум қилиш бўйича ҳужжат лойиҳаси ишлаб чиқирилиши айтилган эди. Ҳужжат лойиҳасини эса 2019 йил бошида ишлаб чиқиш режалаштирилганди.

2022 йил февралнинг биринчи ҳафтасида давлатимиз раҳбари иштирокида ўтказилган видеоселектор йиғилишида ҳам йўл ҳаракати қодалари янгидан ишлаб чиқирилиши ва ҳайдовчилар баҳоланиши ҳақида гапирилди.

Тизим 2022 йил 1 декабрдан тест режимида ишга тушиши керак эди. Бироқ, тизим ишга тушиши кечикди. 2022 йил декабрда ЙХХ бошлиғи Олим Саидов «Газета.uz» мухбири билан суҳбатда қоида бузган ҳайдовчиларга жарима балларини ҳисоблаш тизими қонунчилик масаласи, тизимнинг техник жиҳати ва уни амалдаги тизимларга интеграциялаш яқунланганидан сўнг тўлиқ ишга туширилиши ҳақида айтганди...

Уша кун келди. Жорий йил 21 февралдан бошлаб Ўзбекистонда йўл ҳаракати қодаларини бузганлик учун 12 баллик жарима тизими амалга кирди. Оммавий ахборот воситалари, ижтимоий тармоқлар бу ҳақида бонг урди. Йўлда ҳаракатланаётган ҳар икки одамнинг бири шу ҳақида гапиряпти.

Маълумотларга қараганда, тезликни ошириш, ҳаракат қодаларига риоя қилмаслик оқибатида кўпбал йўл-транспорт ҳодисалари рўй бермоқда. Ҳар бир кўнгилсиз ҳодиса ортида, энг аввало, инсон тақдири, унинг ҳаёти ва соғлиги турибди. Автомобиль йўлларидан инсон хавфсизлигини ишончли таъминлаш учун бу керак эди.



12 ОЙДА БАЛЛ:

ҲАЙДОВЧИНИНГ «КУНДАЛИГИ» ҚАТЪИЙ НАЗОРАТ ҚИЛИНАДИ

Йилдан-йилга йўлларда автомашиналар сони кўпаймоқда, транспорт воситасини кескин бошқариш ҳамда бошқа ҳаракатларда ифодаланганида «агрессив бошқариш» ҳолатлари ҳам кам эмас. Бу албатта, мазкур соҳани комплекс ислоҳ этиш заруратини юзага келтирди.

Келинг, мавзуга чуқурроқ қирамиз. 12 баллик тизим ҳақида атрофлича тўхталиб ўтамыз.

Жорий йил 20 февраль куни «Йўл ҳаракати хавфсизлиги тизими тақомиллаштирилиши муносабати билан Ўзбекистон Республикасининг Жиноят, Жиноят-процессуал кодекслари ва Ўзбекистон Республикасининг Маъмурий жавобгарлик тўғрисидаги кодексига қўшимча ва ўзгартиришлар кириштириш ҳақида»ги қонун қабул қилинди.

Қонунчилик киритилган ўзгартиришларга кўра, ушбу баллдан кўпроқ жарима тўплаган ҳайдовчилар транспортни бошқариш ҳуқуқидан вақтинча маҳрум этилиши белгиланмоқда. Шунингдек, автомобилни маст ҳолда бошқарган ва текширувдан ўтишдан бўйин товлаган ҳайдовчилар жиноий жавобгарликка тортилади.

Қаҳрамон ХУДОЙБЕРГАНОВ, Тошкент шаҳар ИИББ Йўл ҳаракати хавфсизлиги бошқармаси Ахборот хизмати бошлиғи:

– Қонун билан Маъмурий жавобгарлик тўғрисидаги кодексига киритилган қўшимчаларга кўра, йўл ҳаракати қодалари бўйича маъмурий жавобгарлик белгиланди. Яъни, йўл ҳаракати қоидабузарликлари бўйича ҳисобланадиган жарима баллари белгиланган миқдордан ошгани учун маъмурий жазо қўлланилади.

Бунда:

- Белгиланган ҳуқуқбузарликлар содир этилгани учун транспорт воситасининг ҳайдовчисига нисбатан мазкур ҳуқуқбузарликларда назарда тутилган асосий жазо билан бирга жарима баллари ҳисобланади. Бунда содир этилган ҳар бир ҳуқуқбузарлик учун ҳисобланадиган жарима баллининг энг юқори миқдори 2 баллдан ошмаслиги керак.

- Жарима баллари белгиланган ҳуқуқбузарликлардан бири биринчи марта содир этилган кундан эътиборан бир йил давомида ҳисоблаб борилади. Ушбу модданинг биринчи қисмида назарда тутилган ҳуқуқбузарликлар учун ҳисобланган жарима баллари бир йил ўтгач, транспорт воситасининг ҳайдовчисидан автоматлаштирилган тарзда ечилади.

- Ҳисобланган жарима баллари бир йил давомида 12 баллдан ошган ҳолларда, охириги содир этилган ҳуқуқбузарлик учун

белгиланган тартибда қўшимча жазо тариқасида ҳайдовчи транспорт воситаларини бошқариш ҳуқуқидан маҳрум қилинади. Масалан, ҳайдовчи светофорнинг қизил чирогидан ўтди. Демак, унга 2 балл берилиши мумкин. Баллар 12 ой давомида ҳисоблаб борилади. Белгиланган 12 баллдан ошса, охириги содир этилган ҳуқуқбузарлик учун қўшимча жазо тариқасида ҳайдовчи транспорт воситасини бошқариш ҳуқуқидан маҳрум қилинади. Суд тартибидан бундай ҳуқуқдан маҳрум қилиш муддати 6 ойдан кам бўлмайди.

ҚАЙСИ ҚОИДАБУЗАРЛИКЛАР БАЛЛ ЙИҒАДИ?

Маъмурий жавобгарлик тўғрисидаги кодексга киритилган ўзгартиришларга кўра, жарима баллари берилиши мумкин бўлган йўл ҳаракати қоидабузарликлари аниқ белгиланган. Бу ҳақида Тошкент шаҳар ИИББ Йўл ҳаракати хавфсизлиги бошқармаси Ахборот хизмати бошлиғи бизга қуйидагича маълумот берди:

– Йўл-патруль инспектори қайсидир қоидабузарлик бўйича ҳайдовчига баённома тузганда жарима баллари шу жараёнда ҳисоблаб борилади. Қонун қабул қилинган кейин бир ой муддатда Вазирлар Маҳкамасининг қарори эълон қилиниши кутилмоқда. Ана шу қарордан сўнг жарима балларини аниқ ҳисоблаш тартиби маълум бўлади, – дейди Қаҳрамон Худойберганов.

– Маъмурий жавобгарлик тўғрисидаги кодекс «Йўл ҳаракати қоидабузарликлари бўйича ҳисобланадиган жарима баллари белгиланган миқдордан ошгани учун маъмурий жазо қўлланилиши», деб аталган 34-1-модда билан тўлдирилди.

Унга мувофиқ, кодекснинг 125-моддаси 3 ва 5 қисмларида, 126-моддасида, 127-моддаси 1 қисмида, 128-3-моддасида, 128-4-моддаси 2 қисмида, 128-5, 128-6, 128-8, 128-9, 129, 130-моддаларида ва 137-моддаси 1 қисмида назарда тутилган ҳуқуқбузарликлар содир этилганлиги учун транспорт воситасининг ҳайдовчисига нисбатан мазкур моддаларда назарда тутилган асосий жазо билан бирга жарима баллари ҳисобланади.

Бунда содир этилган ҳар бир ҳуқуқбузарлик учун ҳисобланадиган жарима баллининг энг юқори миқдори икки баллдан ошмаслиги керак.

Жарима баллари ушбу модданинг биринчи қисмида назарда тутилган ҳуқуқбузарликлардан бири биринчи марта содир этилган кундан эътиборан бир йил давомида ҳисоблаб борилади. Ушбу модданинг

биринчи қисмида назарда тутилган ҳуқуқбузарликлар учун ҳисобланган жарима баллари бир йил ўтгач, транспорт воситасининг ҳайдовчисидан автоматлаштирилган тарзда ечилади.

Кўпчилик бизга шундай савол беряпти: «Нима учун автомобилларда дрефт қилиш, «шахмат» усулида агрессив ҳаракатлиш, маст ҳолда машина бошқариш каби ҳуқуқбузарликлар учун балл киритилмаган?», деб. Чунки, МЖТКга қўшилаётган 128-10-моддага асосан, йўлдаги бундай безорилик биринчи марта содир қилинганнинг ўзида-ёқ ҳайдовчи 1 йилдан 2 йилгача муддатга гувоҳномасидан маҳрум бўлади. Бунинг учун 12 балл «йиғиш»га ҳожат қолмайди.

ЖИНОИЙ ЖАВОБГАРЛИК ҲАМ БЕЛГИЛАНДИ

Яна бир муҳим томони, айрим ҳуқуқбузарликлар учун жиноий жавобгарлик белгиланмоқда. Бу маст ҳолда такроран транспорт воситасини бошқариш ва мастлик ҳолатини аниқлаш учун текширувдан ўтишдан бўйин товлаш, газда ишлайдиган транспорт воситаларидан нотўғри фойдаланиш, шунингдек, ҳайдовчилик гувоҳномасидан маҳрум қилинган шахс томонидан транспорт воситасини бошқаришга тааллуқдир.

Масалан, мастлик ҳолатидаги шахсни транспорт воситасини бошқаришга йўл қўйиш ёки бошқаришни унга топшириш, 5 йилгача озодликдан маҳрум қилиш билан жазоланади. Бу Жиноят кодексининг 261-1-моддасида қайд этилган.

Шу билан бирга, эндиликда давлат рақам белгиларини қонунга хилоф равишда тайёрлаш, бировга бериш ёки улардан фойдаланиш, шунингдек, ДАН ходимлари талабига кўра, транспорт воситасини тўхтатишдан бўйин товлаш жиноий жавобгарликка тортилади.

Ҳайдовчилик гувоҳномасини олиш жараёни устидан назорат ҳам кучайтирилган. Яъни, автомобилотранспорт воситалари ҳайдовчиларини тайёрлаш ва қайта тайёрлаш, шунингдек, имтиҳон ўтказиш ва ҳайдовчилик гувоҳномасини бериш тартибини бузишдаги қонунбузарлик учун жиноий жавобгарлик белгиланган.

Эслатиб ўтамыз, жарима балларини ҳисоблаш тартиби ҳукумат томонидан белгиланади. Мазкур тизим Вазирлар Маҳкамасининг тегишли қарор лойиҳаси тасдиқлангач, кучга кириши кутилмоқда.

Лазиза ШЕРОВА, «Ўзбекистон ovozi» мухбири.



ҚУЛАЙЛИК



“ЁШЛАР САЙИЛГОҶИ” ИШ БОШЛАДИ

Улкан бунёдкорлик ва оламшумул тараққиёт даврида яшаймиз. Тарихий ислохотларнинг ширин меваларини бугун нафақат туман ва шаҳар марказлари, балки чекка ҳудудларда амалга оширилаётган бекиёс ўзгаришлар мисолида ҳам кўриш мумкин.

Улкан мажмуанинг тантанали очилиш маросимида сўз олганлар маҳобатли марказ юрт қиёфасига ўзгача кўрк бахш этиши баробарида “Атроф-муҳитни асраш ва яшил иқтисодиёт” йилида ёшлар учун ажойиб тўхта бўлганини алоҳида таъкидлашди.

Абдумалик ХАЙДАРОВ, “Ўзбекистон овози” муҳбири.

ИЖТИМОЙ ШЕРИКЛИК

ЭЗГУЛИК ЙЎЛИДА

МАМЛАКАТИМИЗ ИЖТИМОЙ-СИЁСИЙ ҲАЁТИДА ФУҚАРОЛИК ЖАМИЯТИ ИНСТИТУТЛАРИНИНГ РОЛИ ВА ИШТИРОКИ ТОБОРА КЕНГАЙИБ БОРМОҚДА. УЛАР ИЖТИМОЙ ШЕРИКЛИК АСОСИДА БАРЧА СОҲАДА “ИНСОН ҚАДРИ УЧУН” ДЕГАН ЭЗГУ ҲАҚДА ДАВЛАТ ИДОРАЛАРИ ҲАМДА ТАШКИЛОТЛАРИГА ЯҚИН КЎМАКЧИ БЎЛАЁТИР. БУНИ “МЕҲР-ШАФҚАТ ВА САЛОМАТЛИК” ЖАМОАТ ФОНДИ ФАОЛИЯТИ МИСОЛИДА ҲАМ КЎРИШ МУМКИН.

Хусусан, аҳолини ижтимоий муҳофаза қилиш, эҳтиёжманд қатлам вакиллари кўллаб-қувватлаш, жамиятда соғлом турмуш тарзи ғояларини тарғиб қилишда ушбу фонднинг салмоқли ўрни бор.

Ташкилотимиз долзарб ижтимоий аҳамиятга эга лойиҳаларни ишлаб чиқиш ва амалга оширишда Соғлиқни сақлаш вазирлиги, Олий Мажлис ҳузуридаги Нодавлат нотижорат ташки-

лотларини ва фуқаролик жамиятининг бошқа институтларини қўллаб-қувватлаш жамоат фонди ҳамда бошқа қатор давлат ва нодавлат тузилмалар билан ҳамкорлик қилиб келяпти. Мисол учун, Ўзбекистон ва Соғлиқни сақлаш вазирлиги билан биргаликда “Қорақалпоғистон тиббиёт институтининг клиникасида тиббий хизмат сифатини яхшилаш” лойиҳасини самарали рўёбга чиқаришда жамоат фондими фаол иштирок этмоқда.

Бундан ташқари, ўтган йили республикамиздаги қатор ихтисослаштирилган тиббиёт марказларида ижтимоий ёрдамга муҳтож беморларга жарроҳлик амалиёти ва даволанишлари учун моддий томонидан кўмаклашилди. Ёлғиз кексаларни, боқувчисиз йўқ оилаларни дори-дармон воситалари, зарур буюмлар билан таъминлаш, моддий ёрдамларни ташкил этиш ишларида ҳам фонд ташаббускорлар қаторида бўлди. Фавқулодда бахтсиз ҳодисалардан азият чеккан, уй-жой ярқис ҳолга келиб қолган фуқароларга бошпанасини таъмирлаш учун пул маблағлари улашилди. Умуман



олганда, “Меҳр-шафқат ва саломатлик” жамоат фондининг 2024 йил якунига кўра, хайрия ва ҳомийлик харажатлари 2,7 миллиард сўмдан ошди.

Жамоат фондининг фуқаролар соғлигини муҳофаза қилиш, касалликка чалинган, эҳтиёжманд беморлар дардида дармон бўлиш, боқувчисизни йўқотган оилалар фарзандларига ёрдам кўрсатиш борасидаги хайрли ишлари жорий йилда ҳам изчил ва самарали давом эттирилди.

Зухриддин МҲМИНОВ, “Меҳр-шафқат ва саломатлик” жамоат фонди масъул ходими.



ЭЪЛОН

«QO'YLIQ DEHQON BOZORI» АКЦИЯДОРЛИК ЖАМИЯТИ АКЦИЯДОРЛАРИ ДИҚҚАТИГА!

«Qo'yliq dehqon bozori» AJ Кузатов кенгаши 2025 йил 4 апрель кунини соат 12:00да акциядорларининг навбатдаги умумий йиғилиши ўтказилишини маълум қилади.

Умумий йиғилиш жамият маъмурий биносидан ўтади.

Манзил: 100080, Тошкент шаҳри, Бектемир тумани, Фаргона йўли кўчаси, бозор майдони. Эл.почта манзили: info@kuylyuk-bozori.uz

Акциядорларни рўйхатга олиш соат 11:00 дан 12:00 гача амалга оширилади.

Акциядорлар навбатдаги умумий йиғилишини ўтказиш тўғрисида хабар қилиш учун жамият акциядорлари реестрини шакллантириш санаси 2025 йил 7 март.

Акциядорлар навбатдаги умумий йиғилишида қатнашиш ҳуқуқига эга акциядорлар реестрини шакллантириш санаси 2025 йил 28 март.

КУН ТАРТИБИ:

- 1. Жамият акциядорларининг умумий йиғилиши регламентини тасдиқлаш;
2. Жамиятнинг ижроия органи ва кузатов кенгашининг йиллик ҳисоботини, жамиятни ривожлантириш стратегиясига эришиш бўйича кўрилатган чора-тадбирлар тўғрисидаги ҳисоботларини эшитиш;
3. Жамиятнинг 2024 йил молиявий-хўжалик фаолияти якуни бўйича аудиторлик ташкилотининг МБХС бўйича аудиторлик хулосасини кўриб чиқиш;
4. Жамиятнинг 2024 йил якуни бўйича йиллик ҳисоботини тасдиқлаш;
5. Жамиятнинг 2024 йил якуни

бўйича фойда ва зарарлари ҳисобварағини тасдиқлаш ва унинг фойдасини тақсимлаш;

6. Жамият директорининг меҳнат шартномаси масаласи;

7. Жамиятнинг 2025 йилга мўлжалланган «Бизнес-режаси»ни ҳамда «Даромадлар ва харажатлар сметаси режаси»ни тасдиқлаш;

8. Жамиятнинг Кузатов кенгашини сайлаш;

9. Жамиятда ўтказилган Корпоратив бошқарув тизимини баҳолаш натижаларини кўриб чиқиш;

10. Жамиятнинг 2025 йил фаолияти учун жамият аудиторини тасдиқлаш ва унга тўланадиган ҳақнинг энг кўп миқдори чегарасини белгилаш;

11. Жамиятнинг “Кузатов кенгаши ҳақида”ги Низомга ўзгартириш киритиш ва тасдиқлаш.

12. Эгаси ёки эгасининг қонуний ҳуқуқий вориси ёхуд меросхўри томонидан 3 йил ичида талаб қилиб олинмаган дивидентларни жамият ихтиёрида қолдириш.

Акциядорлар умумий йиғилишида иштирок этиш ҳуқуқи акциядор томонидан шахсан ёки унинг вакили орқали амалга оширилади.

Акциядорнинг вакили акциядорларнинг умумий йиғилишида ёзма шаклда тузилган ишончнома асосида, жумладан, жисмоний шахс номидан берилган овоз беришга доир ишончнома нотариал тартибда тасдиқланган ҳолда, юридик шахс номидан овоз беришга доир ишончнома унинг раҳбарининг имзоси ва ушбу юридик шахснинг муҳри билан тасдиқланган ҳолда бўлиши керак.

Маълумот учун телефон: (90) 915-66-90. Ижроия органи

«Qo'yliq dehqon bozori» акциядорлик жамиятининг 2024 йил якуни бўйича бухгалтерия баланси ва молиявий натижалари

Table with 5 columns: №, Актив, Сумма, Пассив, Сумма (минг сўм). Rows include assets like 'Acsoniy vositalar qoldigini' and liabilities like 'Ustav kapitali'.

Молиявий натижалар

Table with 4 columns: Kўrsatkichlar nomi, U'tgan yilning shu davrida, Xisobot davrida. Rows include 'Maxsulot (tovar, xizmat) larni sotishdan tushgan so'f tushum' and 'Daromad (foyda) soligini t'ulunguniga qalder foyda (zarar)'.

“ҚўЙЛИҚ ДЕҲҚОН БОЗОРИ” АЖ ТАНЛОВ ЭЪЛОН ҚИЛАДИ:

“Қўйлик деҳқон бозори” АЖнинг 2025 йил якуни бўйича молиявий ҳисоботларини Миллий аудит стандартлари Халқаро аудит

стандартларига мувофиқ ташқи аудит текширувидан ўтказиш учун аудиторлик ташкилотини танлаш бўйича ўтказиладиган танловга

таклифлар қабул қилинади.

Танлов комиссияси номи ва жойлашган жойи:

“Қўйлик деҳқон бозори” АЖ Кузатов кенгаши, Тошкент шаҳри, Бектемир тумани, Фаргона йўли кўчаси, бозор майдони.

Танлов учун таклифларни тақдим қилиш жойи ва муддатлари:

-Таклифлар “Қўйлик деҳқон бозори” АЖга 25 март 2025 йилгача тақдим қилиниши лозим.

Танловда қатнашиш учун аудиторлик ташкилотига қўйиладиган талаблар:

-танловда қатнашиш бўйича таклиф, аудитор текширувидан ўтказиш ва баҳолаш хизмати нархи кўрсатилган ҳолда;

-аудитор фаолиятини юриштиш бўйича лицензия нусхаси;

-ташкilot ҳақида маълумотлар (умумий маълумотлар, тарихи, боғлиқлик маълумотлари);

-ташкilotнинг йирик миқозлари рўйхати ва тажрибаси бўйича маълумотлар;

-аудиторнинг квалификация сертификати ва бошқа халқаро сертификатлари нусхалари;

-суғурта полиси нусхаси;

-аудит текшируви ўтказиш методикаси ва аудиторлик ҳисоботи андозаси;

-бошқа ҳужжатлар.

Шунингдек, таклифлар жамиятнинг куйидаги электрон манзилига юборилиши мумкин: info@kuylyuk-bozori.uz

Танлов бўйича қўшимча маълумотлар учун телефон: (90) 915-66-90.

Ижроия органи

MUASSIS: O'zbekiston XDP Xalq demokratik partiyasi

O'zbekiston Ovozi Tahrir Hay'ati: Ulug'bek INOYATOV, Ulug'bek VAOFOYEV, Maqsuda VORISOVA, Qalandar ABDURAHMONOV, Gulliston ANNAQILICHEVA, Muslihiiddin MUHIDDINOV, Olim RAVSHANOV, Toshtemir XUDOYQULOV

Bosh muharrir: Nazira MATYAKUBOVA. Manzilimiz: 100029, Toshkent, Mустақиллик майдони 5/3. Telefonlar: (71) 239-12-14. Reklama b'limi: (91) 190-19-49. E-mail: uzbovozi@mail.ru

Gazeta O'zbekiston Matbuot va axborot agentligida 0006-raqam bilan 2007-yil 11-yanvarda ro'yxatga olingan. Navbatchi: Ravshan SHODIYEV. G — 337. 1870 nusxada bosildi. O'za yakuni — Topshirilgan vaqti — 23:45. Nashr ko'rsatkichi — 220. t — Tijorat materiallari. 1 2 3 4 5 6. Sotuvda kelishilgan narxda